



宇多天皇事記 史料六
四中

95P5
2069
6





史料卷之六

宇多天皇事記第四中

起寬平二年四月盡六月



四月大

丙辰朔

一日 丙辰 旬事

江談抄云見如氷雪鼻如桐侍女傳從黼帳

中 言 贈納 寬平二年四月一日依例賜群臣飲

別勅掌侍藤原宣子頒賜御扇以詩取

八日 癸亥 灌佛并任僧綱事

扶桑略記云四月八日癸亥親王公卿等參
上灌沐以勝延為導師先日仰梵釋寺僧神
惠雕造白檀四天王像今日參入奏之即令
侍灌佛之座朕童稚之時令參件寺已及十
餘度爰神惠辨備食膳勞息於飢為賽其功
為大威儀師以勝延為律師
和漢合符云寬平二年庚戌四月浴佛始
按宮中灌佛既見續日本後紀而
本書以此年為始者誤也

古今集目錄云勝延寬平二年五月日任權

十律師 按五垣
作四

五月小 丙戌朔

六日 辛卯 勅定競馬勝負事

小野宮年中行事云寬平二年五月六日左
右十列漸以行上分後院御馬二匹賜左右
馬寮競馳之間或番左近衛墮馬馬獨走勝
右馬三丈左右請處分勅答云左馬可謂勝

也何以言之今日競馬不敢競人抑群臣可
議定云二式部卿本康親王曰人墮馬走猶為負
太政大臣基經曰騎人墮者馬不必走故為負耳
左大臣融曰人已墮者可為負是古昔之言也

六仰諸司檢申勝負而古人之迹如朕所言北按

山抄又載之

十二日丁酉賜高望王平姓事

長門平家物語云かの親王葛原以沙子女見之

官位一々うを給はる沙子女をうけり乃時

寛平二年六月十二日いんりんをうけり平家朝臣の姓を

多酒りて上孫女一々を給はる按大掾系圖為

衰記神皇正統錄為元年今據諸系圖從本書

十平家勅文云平家上桓武天皇弟又其皇子

一平式部卿葛原の親王乃西孫高見王其太子

高見王乃時寛平元年十二月十三日以民部卿

宗章以朝長帝皇女也の女をんとせし時能王の

遷任東宮學士十二年二月十四日民部少

陽成

輔學士如元十五年正月七日從五上十六

年二月廿九日右少辨學士如元十八年正

月十四日左中辨學士如元十一月廿九日

停學士依踐十二月廿六日兼美乃權守十

元慶

九年正月十三日叙正五上二階學士勞十五日

式部大輔辨權守如元二月藏人頭式部大

輔美乃權守如元家傳云聽昇殿陪近習禁

內衆事無不幹理云二十一月廿一日從四

下大會元慶三年九月日辭頭四年二月廿

一日兼勘解由長官大輔如元五年二月十

五日右大辨長官如元八年二月廿三日從

四上御即日五月廿六日兼文章博士十二月

五日任參議同日文章博士如元已上仁和

二年六月十三日轉左大辨三年十一月十

七日叙正四位下御即日四年二月十日兼近

江守侍從十一月廿五日叙正四位上寬平
二年五月十六日卒年五十四按歷代皇紀
為五十四疑脫
四同日贈中納言從三位按扶桑略記
一代
字其實要記為明日似得

江談抄云荒村桃李猶應愛何況瓊林業苑
春橘廣相九歲昇殿詩云二童名文人云二
田氏家集寄橘神童才聽拙頓又愚甘積善
家門見好男山雨椽材青幹出春風蘭畝紫

牙含鳳皇城裏聲無二鴻鵠雛中數欲三遍
覽古書多幼達空稱了二盡難堪
三代實錄云貞觀九年正月七日戊申授正
六位上橘朝臣博覽從五位下二月十一日
辛巳從五位下行右衛門大尉橘朝臣博覽
為文章博士十一年二月己丑朔立貞明親賜成
王為皇太子文章博士從五位下橘朝臣廣
相為學士十二年二月十四日丙申東宮學

士從五位下橘朝臣廣相爲民部少輔學士
如故十二月廿九日丙午從五位下橘朝臣
廣相爲次侍從十四年五月十五日甲申渤
海國入覲大使政堂省左允正四品慰軍上
鎮將軍賜紫金魚袋揚威副使右孟賁衛
少將正五品賜紫金魚袋李與晟等廿人入
京安置鴻臚館廿四日癸巳勅遣民部少輔
兼東宮學士從五位下橘朝臣廣相賜客徒

曲宴遣兵部少輔從五位下兼行下野權介
高階真人令範賜御衣客主具醉興成賦詩
十七年四月廿三日乙亥皇太子始讀千字
文從五位上守右少辨兼行東宮學士橘朝
臣廣相侍讀十八年十二月廿六日己巳從
五位上守右少辨橘朝臣廣相爲美濃守少
辨如故

類聚國史云元慶元年十一月廿一日戊午

授正五位上行左近衛少將兼播磨權介藤原朝臣門宗式部大輔兼美濃守橘朝臣廣相並從四位下

三代實錄云元慶二年八月廿五日戊子皇弟貞保親王於飛香舍始讀蒙求從四位下行式部大輔兼美濃權守橘朝臣廣相侍讀八年二月廿三日甲寅授散位從四位下源朝臣平右大辨兼勘解由長官橘朝臣廣相

並從四位上四月四日甲午光孝天皇始讀文選

右大辨從四位上兼行勘解由長官橘朝臣廣相侍讀五月廿六日乙酉右大辨從四位上兼行勘解由長官橘朝臣廣相爲文章博士餘官如故十二月五日辛卯以右大辨從四位上兼行勘解由長官橘朝臣廣相爲參議仁和二年六月十三日辛酉參議右大辨從四位上兼行勘解由長官文章博士橘朝

臣廣相為左大辨餘官如故

柱史抄云仁和二年十月十日
二月也 芥河行幸內記日記

云橘廣相于時參議左大辨文章博士著狐

尾袍著靴是承和小野篁滋野貞主等例云

云

北山抄云阿衡事寬平之初昭宣公基經關白詔

廣相作之阿衡之任為公之任云二佐世申

云阿衡无典職不可關白官中庶務歟仍持

參官奏不覽之事及天聽以道二博士令勅

申之河原大臣奉勅問廣相并諸儒清行長

谷雄愛成月雄等皆同佐世然大臣不能辨

決因之召儒士於御殿又難一決如此之間

關白不知政及數旬仍訴作者之罪廣相不

仕送書讚州時管丞相刺史奉書於大相閣基經

其書不言事理非唯陳此人不可被罪之旨

廣相薨後夢中來授金笏三枚謝阿衡事云

云案之關白無別所職謂無典職有何難乎
彼書雖不陳理非意在此歟諸儒相同憚時
歟按阿衡事詳政事要略既載仁和三
四兩年十訓抄爲貞觀中者誤也
十訓抄云昔橘廣相トテ名譽博士アリケ
リ昭宣公ノ表奉ラレケル勅答作ケルニ
以阿衡之任爲公之任トカケリ特ニ儒者
佐世是ヲ之ヲ昭宣公ノ御許ニ參テ君ハ
攝政ハノカレ給ヘルニヤ候ラム阿衡ハ

位トシト攝政ハヤスト申ケレ然サル
事トテ今ハ世ニ仕フマシキ身ナレハト
テ御厩ノ馬共ヲ切放タレタリケレハイ
ミシクナテカハレタル馬共京中ニ多ク
走リケルヲ人アヤメノミシリケル程ニ
御門聞シ召テ大ニ驚セ給テ勅答ヲカヘ
ヲレケルノミニ非ス廣相ヲ過ニ行ハル
ヘキヨシ朝議ニ及フツノ宣命ニテ勅答

ヲ作レル人廣相阿衡ヲ引テ朕カ本意ニ
ソムクト書レタル廣相此事ヲ安カラス
思テ死ナム後犬ト成テ佐世ヲクラハム
ト云テ失ニケリ其比佐世カ家ノ邊ヨリ
始テ大路ニ赤犬トモ多走散テ阿衡ニ
ト鳴テ人ヲクヒケリ時人才千廿ハキ阿
衡クヒトナム云ケル佐世カ夕メニモイ
カニモヨキ事八十カリケム其後贈官ノ

宣旨被下テ贈中納言トイハレ給ケルモ
此故ニヤ抑此事貞觀年中ノ事也ケレハ
菅丞相イマ夕御官位アサクオハシマシ
ケルニ殊ニ歎カセ給ケリ明經ニハ善淵
愛成紀傳ニハ藤原佐世等毛詩尚書漢書
十トノ文ヲ引テ執論シ成ト云トモ是ニ
シタカヒ給ハス其文ニカ十八ト仰ラ
レテ菅家御消息ニハ廣相アヤマリナキ

子細ノ旨ヲノセラレテノオクニ大府先
於施仁之令諸卿早停斷罪之宣トソカ
レケル廣相是ヲ聞テ悅ケリ失テ後程へ
テ管家ノ御夢ニ廣相來テ其悅ヲ申テ三
ノ金笏ヲ授奉ケリ我三公ニノホルシ
シ也トソ被仰ケル果シテ旨ヲ失ハサリ
ケルニテ被仰ケル果シテ旨ヲ失ハサリ
政事要略管丞相奉昭宣公書某白不信而

諫謂之諛過而不改謂之過某去年與平季仁和三
長共陣諛說是諛也今日不堪愚款獨進狂
言是過也某萬死再拜願賜縱容某今日
偷入皇城適有或人告以一事曰左大辨廣
相朝臣奉勅作答大府上章之勅書云以阿
衡之任爲公之任明經善淵愛成等引毛詩
尚書君奭之義卽述其說云阿衡者三公之
官坐而論道紀傳藤原佐世等摘後漢書論

晉簡文紀之句更釋其意云阿衡者或稱丞相又名攝政仁和四六月七日宣命云作勅答之人廣相引阿衡以乖朕之本意去十月大臣命明法博士云定廣相所當之罪名廣相忌避阿衡久不仕某自聞或人之語寒心酸鼻寢食不安先為己業次為大府所聞者一而所悲者二所言者近而所慮者遠何者夫作文者不必取經史之全說雖邂逅取之或斷章

為義追辭之所膏液弄聖賢於筆頭隨手之所剪裁破經典於紙上况遇膠黏之數字得髣髴之成文偷足其言詞不知觸於忌諱自有風雅篇章以來孰敢能免斯咎者乎廣相採伊尹之舊儀當大府之典職本義雖與詩書及乖新情自與漢晉冥會視其所以觀其所由非挾於異心以作斯文蓋因同躰而喻彼義也若起于廣相留為流例後之作文者

未必免罪科罪科不免則緣情臆物豫設對
吏之詞言泉思風先書入牢之簡也當是時
法官論曰事有舊章理宜遵用云二大府寧
為作文者迴哀惜之情乎又去夏到國者皆
曰上自公卿大夫下及婦人兒子知之不知
无不談廣相為口實如行人言唯以其為衆
毀所歸之故天下共罪之也若令他人坐此
同罪因其罪深過淺必有為被訴者可哀則

毛羽創痛遍生輕重之手春雨秋霜交放愛
憎之口也當是時法官論曰刑无二科理宜
一定云二大府寧為被訴者立赦降之議乎
如是則世之好文章者爭避網羅爭避網羅
則无家學之人无家學之人則文章自茲而
廢矣某身非橫草之後家少代承之親官爵
則詐朝庭以家風聲價亦嚇世人以祖業仰
思先進伏見當時雖云文士之多人未若弊

內之累代昔者楚若亦發歎於墜屨野婦零涕於亡簪非物之貴不忘故也况某父袒揚名之業子孫出身之道一朝停廢豈不哀乎是其爲己業所悲者也廣相爲當代所立者大功一至親三何以謂之間里言曰先皇欲光孝立今上爲太子者數而大府不務奉行其間小事人皆聞之廣相內結昏姻外託師傳萬方祈請无不盡誠斯事雖出于街談巷語或

万分之一可採用矣詩曰无德不酬无言不報小言小德猶可酬報况爲聖主致精誠者乎是廣相所立之大功也廣相外孫皇子見有二人今上齊中齊世籠潛之日相視褻近父子天愛也豈无顧念乎既愛其孫故其祖之不可惡者可知其至親一也廣相義子女子者今上在邸而所娶娶後四年乃爲天子雖可不專後庭之夜何以不割前日之恩既親其子故其父

之不可疎者可知其至親二也尚侍淑子殿下者
今上之所母事其勞之爲重雖中宮班子而不得
其功之爲深雖大府而不得而廣相始以女
子附屬尚侍轉自尚侍奉進今上婦人以仁
爲性不必思其大義始屬之志寧不哀憐故
尚侍爲廣相之意亦可知其至親三也又聞
去年先皇晏駕之朝今上承嗣之夕功成漏
刻議定須臾因緣貴府之持重无有傍人之

出言宜哉先皇之寄顧託也夫自非上聖不
能大知故物常品常品之人亦有常職而已
大府臨時爲社稷之器曷若廣相積日有祈
禱之功大府居位爲師範之儀曷若廣相
信有講授之勞大府大、唯爲大臣之貴曷
若廣相家中有皇子之親大府攝政爲冢宰
之臣曷若廣相承恩有近習之故縱使聖主
被逼外議暫不相近揆其內情未必爲噍然

則廣相逾構陰怨於大府聖主空飾外形於
大府計之甚无謂也又藤氏功勲勒在金石
公侯將相冠蓋如雲近代而降漸似蕭索位
高德貴者年齒衰老年壯才聞者位望卑微
雖有非常无人可備雖有不虞无士可謀儻
準大府神明之德未墮顯祖不朽之名夫百
丈之木爲一蠹所傷萬尋之堤爲一蟻所決
廣相有才_有智_有謀_有慮_有親_有故_有功_有

勞_伏惟大府裁察勿爲有才_智謀_慮者爲怨
首_勿爲有親_故功_勞者爲推_首是其爲大府
所_悲者也廣相者某先父相公_{是善}之內人然而
未曾聞爲某有恩_怨約而言之魏文帝所謂
文人相輕也今之所陳无他用意不勝已業
之欲廢續以狂昧之拙誠伏惟大府深思遠
慮再三及覆又近者如聞明法奉宣之後所
論各異或云職制律云被詔書有所施行而

違者徒二年失錯者杖八十注曰失錯謂失其旨廣相是失詔書旨也或云詐僞律曰詐為詔書及增減者遠流疏曰意在詐僞而妄勅也如是則兩家之說有重有輕不知誰能得其實論謹案職制律謂施行詔書失錯其旨者杖罪異于廣相作詔以乖主上之旨詐僞律謂不據勅命妄自為詔者遠流及于廣

相奉勅以違人君之意律文遂无正條將以因准論之曰准論之疑罪自從輕輕則廣相之患、明矣若法之所當罰不足患則大府先於施仁之命諸卿早停斷罪之宣若世之所、事不得已則託以放逐邪臣之議莫用詐為詔書之律古人有言可斷不斷還受其咎甚恐事旨變生後悔无及某萬死再拜謹言

江談抄云廣相任左衛門尉是善卿不被許
此事云二管家獻策之時貞觀十二來省門彼時強不
籠小屋只俳徊省門廣相著毛沓到此處癖
事之處二相共披勘之有一事不通廣相策
馬到嵯峨之隱君子之許問之云二
又云廣相獻策之時七日之中見一切經凡
書籍皆橫見之雖如此拔萃之性尚有備忘
却之事故何者先年見唐年號寄韻之書是

廣相之所抄也云二件書注付年號難等

年中行事抄云廣相卿傳云仁和五年蒙勅

造撰踏歌記一卷件記仁壽以後四代中絕

不行今年尋承和舊風始行之按年中行事

本朝書籍目錄云藏人式一卷秘抄同之橘氏文

集八卷廣相撰

拾芥抄云朝官當唐官略抄右大辨橘廣相
撰也

寬平元

文德清和陽成光孝

按年中行事
秘抄同之

橘廣相撰

神護寺鐘銘云愛當之山神護之寺三寶既
備六度無虧唯所有梵鐘形小音窄故禪林
寺少僧都真紹和尚始發弘願有心改鑄鎔
範未成衣祴早化檀越少納言從五位上和
氣朝臣彝範悼和尚之遺志尋先祖之舊蹤
以貞觀十七年八月廿三日雇冶工志我部
海繼以銅一千五百斤令鑄成焉恐年代久
遠後人不知仍聊記於鐘側右少辨橘朝臣

廣相之詞也銘一首八韻傳音在器證果惟
因爾祖初業厥孫聿遵宿昔三尺今日千斤
體有寬窄功無舊新山聲萬歲谷響由旬聞
十宜覺夢扣卽歸真慈周世界感及非人雕琢
勝趣蒙叟當仁參議正四位下勘解由長官
兼式部大輔播磨權守菅原朝臣是善銘圖
書頭從五位下藤原朝臣敏行書

按世稱之
爲三絕鐘

然不知何人
始爲此語

田氏家集傷左尚書學優福厚遇時頻非命
傾祖亦有因欲、、、、先朝露九

重闈每馮魏棘千年慶不謂芭蕉一束身人

事嫌猜應莫恨紫衣金印九泉春言寵贈之厚也

十七日壬寅故參議廣相贈官位事

一代要記云參議橘廣相寬平二年五月十

六日卒明日贈中納言從三位

康富記云依御侍讀贈官位例寬平二年五

月十七日參議正四位上橘廣相贈從三位

中納言

歷代皇紀云寬平二年五月十六日參議左

大辨橘廣相卒五贈中納言從三位十七日

帝以穀倉院絹布給喪家

廿二日丁未東大寺別當勝皎入滅事

東大寺別當次第云傳燈大法師勝皎寬平

二年三月廿三日任年七十九薨五十三同

年五月廿二日入滅寺務三月

廿三日戊申令下遠江國檢損使勘定公文於所

司事

西宮記云外記記云寬平二年五月廿三日

戊申大納言藤良世卿聽政遠江國檢損使

治部少輔藤原梶長等為申返事祇候而判

官依不具不申上卿於右近陣召右少辨希

宣云遠江使依不具不申返事宣使所進於

辨官之勘定公文早下所司者云二日廿五

致仕大納言冬緒薨事

一代要記云大納言藤冬緒正三位彈正尹

仁和三年四月十三日致仕寬平二年五月

二十三日薨年九十一按公卿補任為廿五日政事要畧同本書

政事要畧云致仕大納言正三位藤原朝臣

冬緒元慶三年十一月叙六年正月任仁和

三年四月致仕寬平二年五月廿三日薨

公卿補任云藤冬緒參議從三位刑部卿濱
成孫豐後守從五位下豐彥三男按豐彥本
書一本作
豐伴一代要記為豐
仲尊昇分脈同本書大同三年戊子生承和
十年正月十日勘解由判官十一年正月十
一日式部少丞十三年正月十三日轉大丞
同月補藏人二月十一日任春宮少進文德十四
年正月七日叙位同十二日右少辨嘉祥二
年正月十三日任伊與介三年十一月廿五

日春宮亮仁壽元年七月八日兼遠江權守
二年二月廿八日右少辨亮權守如元三年
正月十六日左少辨兼官如元齋衛元四年正月七
日從五上齋衛二年八月己亥廿三肥後守貞觀
元年十一月十九日正五下十二月廿一日
右中辨二年十一月十六日從四位下三年
五月廿日大宰大貳六年正月七日從四位
上八年正月十三日彈正大弼九年正月十

二日右大辨十年五月廿六日兼勘解由長
官辨如元九月廿五日兼美乃權守十一年
三月又太宰大貳十二月八日任參議太宰
大貳如元以上十三年正月七日叙正四位
下十六年二月廿九日兼民部卿十七年正
月十二日兼伊與權守十八年正月七日叙
從三位十四日兼播磨權守民部卿如元元
慶元年十月九日任中納言卿如元三年十

一月廿五日叙正三位六年正月十日任大
納言七年月日辭民部卿八年三月九日兼
彈正尹仁和三年四月十三日致仕年八寬
平二年五月廿五日薨八十四〇按一代要
記為九十一政事要
略同本書今據大同三年戊子生仁和三年
年八十之文今年正八十三也三代實錄致
仕表以八十年之殘息遇一千歲之惟新
月制初迫氣力不隨等句亦可以為證
續日本後紀云承和十四年正月甲辰授正
六位上藤原朝臣冬緒從五位下己酉從五

位下藤原朝臣冬緒為右少辨嘉祥二年正月
戊辰從五位上藤原朝臣仲統為兼伊勢
守從五位下藤原朝臣冬緒為介

文德實錄云嘉祥三年十一月戊戌廿五惟仁清和親

王為皇太子從五位下藤原朝臣冬緒為春

宮亮仁壽元年四月癸卯朔從五位下藤原

朝臣冬緒為次侍從七月戊寅從五位下藤

原朝臣冬緒為遠江權守春宮亮如故二年

二月乙丑廿八從五位下藤原朝臣冬緒為右少

辨春宮坊亮遠江權守如故三年正月丁未十六

從五位下藤原朝臣冬緒為左少辨春宮亮

遠江權守如故齊衡元年正月壬辰七授從五

位下藤原朝臣冬緒從五位上二年八月己廿三

亥從五位上藤原朝臣冬緒為肥後守六月

三代實錄云貞觀元年十一月十九日庚午

內藏頭從五位上兼行神祇大副中臣朝臣

逸志肥後守藤原朝臣冬緒並加正五位下
十二月廿一日己亥正五位下行肥後守藤
原朝臣冬緒爲右中辨二年十一月十六日
壬辰授散位正五位下坂上大宿祢正野右
中辨藤原朝臣冬緒並從四位下三年五月
廿日癸巳從四位下行右中辨藤原朝臣冬
緒爲大宰大貳四年十二月廿七日辛酉右
大臣正二位兼行左近衛大將藤原朝臣良

相上表曰伏奉今年四月十二日詔書曰參
議已上各論時政之是非詳世俗之得失傷
化害人不便於時者節用謹度當利於國者
並盡昌言以沃朕心清和勿爲華飾勿有隱諱伏
惟皇帝陛下德高雲霓明並日月猶開廣詢
之路遂降不諱之綸右大辨南淵朝臣年名
身爲進士職經內外稍通治體旣居樞要山
城守紀朝臣今守所歷之州風聲必暢論之

良吏自爲先鳴伊豫守豐前王才學早彰資
歷淹久無他異跡足謂老成大宰大貳藤原
朝臣冬緒聲名粗達器識漸優吏幹之稱仍
有可愛大和守弘宗王頗有治名多宰州縣
雖有自賢之費或罹法網而談諸經國非無
其才然則令件等人同上意見六年正月七
日甲午授從四位下行伊豫守豐前王大宰
大貳藤原朝臣冬緒等從四位上八年正月

十三日庚寅從四位上行太宰大貳藤原朝
臣冬緒爲彈正大弼九年正月十二日癸丑
從四位上行彈正大弼藤原朝臣冬緒爲右
大辨十一年十二月八日辛卯以右大辨從
四位上兼行勘解由長官美濃權守藤原朝
臣冬緒拜參議爲太宰大貳十二年二月廿
三日乙巳參議從四位上行太宰大貳藤原
朝臣冬緒進起請四事其一曰軍旅之儲烽

燧尤切而數十年來國无機警雖有其備未
知調用若有非常何以通知今須下知管内
國島試以舉烽焚燧彼此相通以備不虞若
不言其由恐驚動物意望請下知事^上依件
調練其二曰比年之間公私雜人或陸或海
深入遠尋營求善馬及其歸向多者二三十
少者八九疋惣計過所年出關之數凡千餘
疋夫機急之備馬尤爲用而无賴之輩每年

搜取若有罄乏如非常何今將施禁制翻致
謗讟望請下知豈前長門兩國四箇年間禁
止出馬其三曰承前之例諸國雜米各隨其
本色輸納諸司諸所而或司全納用盡既訖
或前二多致未進公途有關至有期會不得
迴撥况復件司等監典二人勾當釐務或時
有自由亦非无判置貢進之怠莫不緣此縱
令一任之内殊立嚴制猶恐相承之官任意

改更自非官符何立後法望請五使新之外
庸米并雜米摠納稅庫每日下行若非符宣
旨輒以下用監當之官准法科罪其四曰穀
倉院地子交易物比年之間令監一人勾當
其事每年交易輕物輸進因茲勾當之人年
初請領直稻既訖其後府司責其返抄而左
右巧容不肯究進遂使不知意之吏招放還
之煩熟尋其由理不可然凡一官之事官長

所行縱无其人何愁不濟而更置專當還致
物煩望請從停止府司一向交易奉進詔並
從之十三年正月七日甲寅授參議從四位
上行太宰大貳藤原朝臣冬緒正四位下十
七年四月廿八日庚辰帝始讀史記參議從
三位行左衛門督兼近江權守大江朝臣音
人侍讀少內記正七位下惟良宿禰高望爲
都講參議民部卿正四位下兼行伊豫守藤

原朝臣冬緒特被喚侍講席十八年正月七日乙酉授參議民部卿正四位下兼行伊豫守藤原朝臣冬緒從三位元慶元年六月八日丁丑參議從三位行民部卿兼播磨權守藤原朝臣冬緒上表請致仕不許之廿二日辛卯參議從三位行民部卿兼播磨守藤原朝臣冬緒重抗表伏冀陛下解臣所職與臣餘年獲命為期敢重奉表不許之十月九日

丙子以參議從三位行民部卿兼播磨權守藤原朝臣冬緒為中納言三年十一月廿五日庚辰授中納言從三位兼行民部卿藤原朝臣冬緒正三位十二月四日己丑正三位行中納言兼民部卿藤原朝臣冬緒奏狀二事其一曰戶令云凡給口分田者男二段女減三分之一然則可給一段百廿步而天長給法世步至于承和其數廿步奏聞已了有

議不行此般所行亦當廿步今檢案內京戶
之女事異外國不知蚕桑之勞都無杵臼之
役加以言其所當最爲微少名是口分實非
身潤况亦公卿子女王侯妻妾得此尺土其
有何益但畿內百姓雖貢賦輕於外國而徭
役重於京戶今豫計口分一段百步不足支
給以酬勞苦夫事貴權變政存弛張如有守
常不改恐非通方之謂伏請以京戶女口分

田加給畿內男其二曰近代以來一年例用
位祿王祿准穀十七萬餘斛又京庫未行衣
服月糧必給外國其數亦多並是正稅用盡
終行不動當今除陸奧出羽及西海道之諸
國不動約計一千世七萬餘斛就中緣海近
國不出二三百萬而年中所用世五六萬斛
况亦有損之年摠費近國之不動凡厥開用
至多新委絕少竊恐天下虛耗企足可待如

今件田散班於人者口分爲之不饒混入於
公者國用以是可給伏請割置山城國八百
町大和國一千二百町河內國八百町和泉
國四百町攝津國八百町合四千町若獲稻
若地子量其便互以支公用詔從之八日癸
巳勅令參議正四位下行左大辨兼左近衛
中將近江權守源朝臣舒檢校山城國班田
參議正四位下忠貞王檢校大和國正三位

行中納言兼民部卿藤原朝臣冬緒檢校河
內和泉兩國參議右大辨從四位上兼行肥
後權守藤原朝臣山蔭檢校攝津國並身在
京師遙攝其事領下國司聽其處分六年正
月十日癸丑天皇御紫宸殿拜大臣已下中
納言已上策命曰正三位藤原冬緒朝臣乎
大納言官尔治賜六月二日癸酉大納言藤
原朝臣冬緒言去正月十日詔進臣納言之

職伏冀摠解所職養餘命於衡華不許八年
三月九日庚午大納言正三位藤原朝臣冬
緒爲兼彈正尹仁和三年四月十三日丙辰
大納言正三位兼行彈正尹藤原朝臣冬緒
致仕抗表曰臣冬緒言臣懸車之期既過歸
華之望彌深累年抗辭伏待得謝叩重闈而
未通叫層昊而无聽臣舊无耆老之德猥居
獻納之官少不如人追感燭武之語老而彌

老猶耻趙孟之談故流水不迴空起歎於川
上漏箭已盡豈犯罪於夜行伏念祿俸者士
之所貪求也聖明者代之所希出也臣以八
十年之殘息遇一千歲之惟新方當惜此下
春之景圖彼上庠之榮疲驂解駕暫徘徊於
層軒之前涼鷄辭巢猶栖遲於廣廈之下而
月制初迫氣力不隨心識之內邈如河山手
足之間遠同楚越仰北闕而隔趨拜望東岱

而催_一飯_二魂撫躬懷寶兢_二於素飡之惶揣分
知_一飯_二違_二於青蒲之請伏冀降油雲之澤感
匪石之祈務帶彤闈飯骸素里收龍章之妄
寵就皮服而待終豈比掛冠都門疎傳遺漢
朝之榮貴竊慕擊壤野外逸老樂堯年之餘
生_上无_二任_三慙_三之_三至謹奉表以聞
政事要略引善家異說云致仕大納言藤原
冬緒服露蜂房兼吞槐子年過八十頭髮無

白不斷房室寬平二年薨時年八十四

又大饗條云致仕大納言冬緒卿應昭宣公
饗召至日策杖至中門端持笏進庭謝座也
法曹類林云致仕大納言冬緒卿應昭宣公
召參彼家大饗所三獻之後謝座而著時人
感之

百練抄云康治二年八月六日民部卿顯賴
卿任位次候公御座俊賢卿之例也前納言

候本座人冬緒行平文範俊賢等也

田氏家集奉傷致仕藤御史通儒達官早懸

車五百年生八十餘犯主逆鱗思報國為朝

骨鯁未營居眼前恩少蒲輪喚身後功多竹

帛書此日詩成異直泉底付江魚

是月鑄寬平大寶錢事

拾芥抄云寬平大寶

寬平二年五月件錢自今年至

延喜六年經十七年

六月大乙卯朔

十四日

戊辰無大辨行申文事

西宮記云寬平二年六月十四日無大辨間

中辨已下著例所令行又同年七月五日無

大辨申文云二

北山抄云寬平二年六月左右大辨未補之

間令中辨申政職負令中辨職掌同大辨云

十云

十九日癸酉令解任過程限不受返抄調綱郡司事

類聚三代格云太政官符應立程限解任不受返抄貢調郡司事右得讚岐國解備謹案交替式稱牧宰之輩就使入京或無返抄猶歸任所或稱身病益留都下自今以後若有此類國司奪料郡司解任所積未進一令書進者然則調綱郡司無返抄者解任之科往

元年已立又太政官去仁和四年七月廿三日符備國司進解由之日若有任中調庸雜物未進者返却解由令慎將來者爰知國司有調庸未進者拘留之責新制重存凡調庸雜物者國宰任色徵備郡司依數受取非有奸犯可無欠失今朝章已爲國司特施新符國司何於郡領專忘舊制但前式直稱解任不立程限若不延迴恐涉苛酷望請調綱所領

調庸雜物至于見參之月一物以上不進去
年返抄者依式解任都不寬宥擬任郡司無
職之徒隨未進數計賦科罪其未進者並備
償如常即解任之由科罪之法同附朝集使
言上謹請官裁者左大臣宣奉勅依請諸國
准此寬平二年六月十九日

按政事要
略又載之

